

## SPORAZUM O MEĐUSOBNOJ SARADNJI

Zaključen

IZMEĐU: 1. **JU NARODNO POZORIŠTE SARAJEVO** ul. Obala Kulina bana br. 9, 71000 Sarajevo,  
/u daljem tekstu: Pozorište/ koje zastupa Edin Mustafić, direktor

2. **JU SARAJEVSKA FILHARMONIJA**, ul. Obala Kulina bana br. 9, 71000 Sarajevo,  
/u daljem tekstu: Filharmonija/ koju zastupa Vedran Tuće, direktor

### Član 1.

Sporazumne strane su saglasne da sklapanje ovog sporazuma ima za cilj ostvarivanje međusobnih poslovnih i ekonomskih interesa kao i utvrđivanje međusobnih prava i obaveza, a u pogledu pružanja i vršenja usluga iz okvira registrovane djelatnosti obje sporazumne strane, s ciljem kvalitetnog i efikasnog korištenja resursa u oblasti rada, sjedišta obavljanja djelatnosti i gostovanja u okviru usvojenog programa rada.

### Član 2.

Uzajamna podrška iz člana 1. ovog Sporazuma realizirat će se međusobnim ustupanjem prostora, tehničkih i ljudskih resursa i to bez naknade, a s ciljem potpune i blagovremene realizacije programa rada Pozorišta i Filharmonije.

Sporazumne strane su saglasne da će prema svakoj pojedinačnoj potrebi za uslugama blagovremeno obavještavati jedna drugu u cilju efikasnije pripreme angažmana.

Sporazumne strane će prilikom svakog pojedinačnog angažmana postupati sa pažnjom dobrog privrednika, te uključiti sve svoje materijalne i ljudske potencijale kako bi se usluga izvršila na najvećem profesionalnom nivou.

### Član 3.

Sporazumne strane su saglasne da će princip saradnje biti realiziran na bazi reciprociteta gdje će svaka sporazumna strana snositi svoje troškove realizacije programa za one ljudske, tehničke i prostorne resurse kojima ne raspolaže suprotna strana.

### Član 4.

Sporazumne strane se obavezuju da će obezbijediti potrebne i profesionalne uvjete za sve ustupajuće resurse.

### Član 5.

U slučaju spora po ovom ugovoru, ugovorne strane su saglasne da će svaki spor riješiti međusobnim dogovorom, a u slučaju neuspjeha pred nadležnim sudom.

### Član 6.

Sporazum je sačinjen u 4 (četiri) istovjetna primjerka od kojih svaka strana zadržava po 2 (dva) primjerka.

### Član 7.

Ovaj Sporazum stupa na snagu danom dobijanja pozitivnog mišljenja Ministarstva kulture i sporta Kantona Sarajevo koje vrši kontrolu nad njegovom primjenom.

**JU NARODNO POZORIŠTE SARAJEVO**

**JU SARAJEVSKA FILHARMONIJA**

Vedran Tuće, direktor



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Culture and Sports

SARAJEVSKA FILHARMONIJA  
SARAJEVO

Broj: 6384/09/10/22

Datum: 29.09.22 god.

Broj: 12- 36- 38120/22  
Sarajevo, 29.09.2022. godine

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 16. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 36/21), a u skladu sa članom 42. Zakona o ustanovama („Službeni list R BiH“, br. 6/92, 8/93 i 13/94), na usaglašen zahtjev Javnih ustanova Narodno pozorište Sarajevo i Sarajevska filharmonija dostavljen putem e-maila od 28.09.2022. godine, Ministarstvo kulture i sporta Kantona Sarajevo donosi

## **ODLUKU**

### **o davanju prethodne saglasnosti na Nacrt Sporazuma o međusobnoj saradnji između JU Narodno pozorište Sarajevo i JU Sarajevska filharmonija**

#### **I**

Ministarstvo kulture i sporta Kantona Sarajevo daje prethodnu saglasnost za potpisivanje Sporazuma o međusobnoj saradnji između JU Narodno pozorište Sarajevo i JU Sarajevska filharmonija kojim se načelno uređuju međusobni odnosi u vezi ustupanja prostora, tehničkih i ljudskih resursa bez naknade za potrebe realizacije programa rada Javnih ustanova Pozorišta i Filharmonije.

#### **II**

Potpisnici su obavezni dostaviti ovom Ministarstvu originalan primjerak potpisanog Sporazuma iz tačke I. ove Odluke.

MINISTAR

#### **Dostaviti:**

1. JU Narodno pozorište Sarajevo,  
ul. Obala Kulina bana broj 9
2. JU Sarajevska filharmonija  
ul. Obala Kulina bana broj 9
3. a/a